

ficando più Franza che Spagna etc. Scrive zereha Agustin Gixi, qual par sia amalato e sta griève; e altre particularità.

Et per *lettere particular di sier Hironimo Lippomano*, vidi aviso di la morte di lo arziepiscopo di Saragoza in Spagna, fo fiol natural dil re Ferando di Spagna, e il Papa ha dato al datario, domino Baldissera da Pesa, uno priora' val ducati 1500 a l'anno de intrada. *Item*, a Serapicho, sta in camera con lui ducati 600; lo episcopato di Valenza al cardinal Medici, qual è a Fiorenza, val ducati 10 milia d'intrada; siehè al mar va l'acqua. *Item*, scrive di la morte di l'arziepiscopo di Zenoa sforzesco vechio. El Papa ha dato al cardinal Cibo dito episcopato, val ducati 8000; il qual è zenoese, fo fiol dil signor Franceschello, che fo fiol di papa Innocentio.

206

*Exemplum.*

*Sumario di lettere di sier Antonio Morexini ducha et sier Marco Lando capitano, et Consieri di Creta, date in Candia a di 23 Zener 1519, ricevute a di 17 Marzo 1520.*

Avisano aver hauto nova di le galie di Alexandria per el dito di uno patron di gripo venuto da Rodi, et mandano la deposition, e iudichano non sia vera per uno capitolo di lettere dil rector di Sethia scrite a lui Duchà, qual è molto differente et discordante.

*Die 20 Januarii 1519.*

Sier Martin de Lucha, da Ragusi, patron di gripo, costituito in cancellaria et interrogato che debbi dir quello sa, over intese, di le galie grosse di Alexandria, el qual rispose: che trovandosi in questi passati zorni a Rodi dove conduse vini da questa terra, a li 9 de l'istante zonse in dito locho de Rodi una nave patronizzata per uno Zaneto da Cataro, la qual veniva da Baruti carga di cenere, la qual tochè in Cipro, et li fu ritenuta dita nave, secondo intese da esso patron, per el dito rezimento, per circha zorni 11, aspetando certo bregantin mandato per esso rezimento de Cipri in Alexandria per intender quello era seguito di la galia capitania di Alexandria, per dar lettere a essa nave del tutto. Et questo perchè la conserva de dita galia capitania era in dito loco di Cipri, dove la fevano discargar per conzarla, perchè faceva acqua assai per la fortuna se diceva esserli intravenuta fra Rosseto et Bichieri ne la festa de

Sancto Andrea, over de Santa Lucia, che ben non se ricorda quando li fo dito; le qual galie in ditto zorno velizando la sera, a le 4 hore di note, in le aque soprascripte, et siando discosta una da l'altra, la conserva predita vete fuogi assai ne la galia preditta capitania, et vedendo diti fuogi, quelli de essa conserva se messeno in confusion et comenzorono scandiar et trovarono esser in passa 14 di acqua et subito deteno fondi, giudicando che essa galia capitania fosse sorta in passa 3 di acqua, per esser avanti assà de essa conserva. Et passate le 6 hore di note, saltò grandissima fortuna da ponente garbin, per la qual essa galia comenzò tochar et far acqua, et li convene far provision al meglio potevano, et feceno el papafigo et andorono in dito loco de Cipro, dove al presente se atrova. Et habiando fato el papafigo, veteno pur assa' fuogi in terra a la volta de ditto galia capitania; et questo è quanto intese et li fo referito da dito patron.

Interrogato se esso patron li disse esser arrivato il predito bregantin, over se portava lettere, disse esso patron averli ditto che nanti el ritorno de esso bregantin fo licentiato esso patron senza lettera alcuna, et questo perchè lui instava la sua partita; et altro non sape dirli.

Interrogato quando lui costituito partite dal predito loco di Rodi, dice a li 11 de l'istante, et heri zonse qui; et altro dice non saper.

*Copia dil capitolo di le lettere di sier Agustin Griti rector di Sithia, a domino Antonio Morexini duca di Creta, soto 18 Dezembro 1519.*

Ad aviso di Vostra Magnificèntia, a di 8 dil presente, che è Zuobia, al levar del sole arivorno qui in Sithia le galie di Alexandria, quale el Luni, che fu di 12, a l'alba se levorono; *tamen* a due hore de zorno, per esser el tempo contrario, tornorono a sorzer. Et Mercoledì 14, insembre con uno galion puiese cargo de ogii, una hora avanti zorno, se partirno et la sera andorno a sorzer a Capo Salamone. El Zuoba da malina se partirno de li con optimo tempo, et talmente ha mostrato de qui, che per inditio de tutti, che hanno fatto tal parizo, Sabado passado, che fo di 17, a bona hora dovesseno arivar in Alexandria; siehè finalmente haverano avuto lo intento suo, che prego Idio li doni bon spazamento, guadagno et incolumitate.